

金上甄貞氏金漢三王中朝

全後漢文卷五十五

烏程嚴可均校輯

張衡

四

七辯

無爲先生祖述列仙背世絕俗唯誦道篇形虛年衰志猶不遷于是七辯謀焉曰無爲先生淹在幽隅藏聲隱景剗迹窮居抑其不踴盍往辯諸乃階而就之

虛然子曰樂國之都設爲閑館工輪制匠譎詭煥爛重屋百層連閣周漫應門鏘鏘華闕雙建雕蟲彫緣螭虹蜿蜒于是彈比翼落鸛黃加雙鶴經鴛鴦然後擢雲舫觀中流塞芙蓉集芳洲縱文身搏潛鱗採水玉拔瓊根收明月之照曜翫赤瑕之璘璣迴飄拂其寮蘭泉注其庭

二語從文選王融曲水詩序注補

此宮室之麗也子盍歸而處之

乎

彫華子曰玄清白醴蒲陶醴醢

書鈔一百四十八

嘉肴雜醢三鸞七菹荔

支黃甘寒梨乾榛沙餠石蜜遠國儲珍于是乃有菊豢脂牲麋麋

豹胎飛鳧棲鶯養之曰時鞏洛之鱗割曰爲鮮

二語從潘岳西征賦注補

審其

齊和適其辛酸芳曰薑椒拂曰桂蘭

文選七啟注作木蘭

華薺重秬潢皋香

杭會稽之菰冀野之梁澗凌輒麴糅曰青杭

四句俱從書鈔一百四十二補入

珍

羞雜選灼爍芳香此滋味之麗也子盍歸而食之

安存子曰淮南清歌燕餘材舞列乎前堂遞奏代敘結鄭衛之遺

風揚流哇而咏激楚鞀鼓口吹竽籥應律金石合奏妖冶邀會觀

者交目衣解忘帶于是樂中日晚移卽昏庭美人妖服變曲爲清

改賦新詞轉歌流聲此音樂之麗也子盍歸而聽諸

闕丘子曰西施之徒姿容脩嫵弱顏回植妍兮閑暇形似削成腰

如束素螭螭之領阿那宜顧

二語從文選洛神賦注陸機日出東南隅行注補

淑性窈窕

秀色美豔鬢髮玄髻光可已鑒屬輔巧笑清眸流眄皓齒朱唇的

樂繁練于是江華曼理遺芳酷烈侍夕先生同茲宴寢假明蘭燈
指圖觀列蟬絲宜愧天紹紆折此女色之麗也子盍歸而從之
空桐子曰交趾緞絺筒中之紵京城阿縞譬之蟬羽製爲時服已
適寒暑駟秀騏之駁駿載輪獵之輶車建采虹之長旂系雌霓而
爲旗逸駭颿于青丘超廣漢而永逝此輿服之麗也子盍歸而乘
之

微霧之冠飛融之纓

御覽八百八十四
案二語當在前段內

依衛子曰若夫赤松王喬羨門安期噓吸沆瀣飲醴茹芝駕應龍
戴行雲桴弱水越炎氛覽八極度天垠上游紫宮下棲崑崙此神
仙之麗也子盍行而求之先生乃興而言曰吁美哉吾子之誨穆
如清風啟乃嘉猷實慰我心矯然傾首邪睨玄圃軒臂矯翼將飛
未舉

蹊路詭怪

文選上遲旦發漁浦潭詩
案此語當在前段內

張衡

髣無子曰在我聖皇躬勞至思參天兩地匪怠厥司率由舊章遵
彼前謀正邪理謬靡有所疑矧窺八索仰鏡三墳講禮習樂儀則
彬彬是已英人底材不賞而勸學而不厭教而不倦于是二八之
儔列乎帝庭揆事施教地平天成然後建明堂而班辟雍和邦國
而悅遠人化明如日下應如神漢雖舊邦其政惟新而先生乃翻
然迴面曰君子一言于是觀智先民有言談何容易予雖蒙蔽不
敏指趣敬授教命敢不是務

藝文類聚
五十七

四愁詩序

張衡不樂久處機密陽嘉中出爲河閒相時國王驕奢不遵法度
又多豪右并兼之家衡下車治威嚴能內察屬縣姦猾行巧劫皆
密知名下吏收捕盡服擒諸豪俠游客悉惶懼逃出境郡中大治
爭訟息獄無繫囚時天下漸弊鬱鬱不得志爲四愁詩效屈原已
美人爲君子已珍寶爲仁義已水深雪零爲小人思已道術相報

貽于時君而懼讒邪不得曰通文選

南陽文學儒林書贊

南陽太守上黨鮑君愍文學之弛廢懷儒林之陵遲乃命匠修而

新之崇肅肅之儀揚濟濟之化北堂書鈔

綬笥銘

南陽太守鮑德有詔所賜先公綬笥傳世用之時德更治笥衡時

爲德主簿作銘曰

懿矣茲笥爰藏寶紳冠纓初學記二組履文章日信皇用我賜俾

作帝臣服其令服鸞封艾民天祚明德大賚福仁垂光厥世子孫

克神厥器惟舊中實惟新周公惟事七涓有鄰初學記二十又二

八十二七百十一

司徒呂公誄

昔呂皇祖帝交之緒伯夷秩唐唐宗允敘四岳在虞傳土佐禹克

厭帝心姓姜氏呂登是南邦呂家已處降及于周穆侯作輔寡于
九族九族用寧登受人命袞職靡傾黃耳金鉉公餽已盈綽今其
寬皦今其清既明且哲式保令名旂旂從風駟牡超驤去此寧寓
歸于幽堂玄室冥冥修夜彌長

藝文類聚四十七文選謝朓齊敬皇后哀增文注

司空陳公誄

敬仲初育發繇卜筮鳳飛觀國流光末裔天祚明德德茂于公入
孝出友爰肅爰邕兼學多識窮理知幾德音孔昭飜爾灰飛賦政
二城還集皇闈公實省之疊疊庶績公實靜之藹藹百僚公實愍
之乃陟司空纂禹之跡導揚徽庸致訓京畿協和萬邦萬邦既協
殊服來同眇論前績莫與比蹤

藝文類聚四十七

後作鴻臚職掌九賓輯寧侯衛懷柔遠人

北堂書鈔五十四

大司農鮑德誄

昔君烈祖平顯奕世敬叔生牙美管交賴至于中葉種德已邁種

德伊何去虛適參建旌屯畱其茂如林降及我君總角有聲遺蒙
萬穀寵祿斯丁守約勤學克勞其形濬哲之資日就月成業業學
徒童蒙我求舍厥往著去風卽雅濟濟京河實爲西魯昔我南都
惟帝舊鄉同于郡國殊于表章命視如公弁冕鳴璜若惟允之實
耀其光導己仁惠教己義方習射矍相饗老虞庠羌髡作虐艱我
西鄰君斯整旅耀武月頻蠢蠢戎虜是惴是震知德者鮮惟君克
舉旣厭帝心將處台輔命有不永時不我與天實爲之孰其能禦
股肱或毀何痛如之國喪遺愛如何無思

藝文類聚
四十九

靈憲

昔在先王將步天路用定靈軌尋緒本元先準之于渾體是謂正
儀立度而皇極有道建也樞運有道稽也乃建乃稽斯經天常聖
人無心因茲己生心故靈憲作興曰

太素之前幽清玄靜寂寞冥默不可爲象厥中惟虛厥外惟無如

是者永久焉斯謂溟滓蓋乃道之根也道根既建自無生有太素始萌萌而未兆并氣同色渾沌不分故道志之言云有物渾成先天地生其氣體固未可得而形其遲速固未可得而紀也如是者又永久焉斯謂龐鴻蓋乃道之幹也道幹既育萬物成體于是元氣剖判剛柔始分清濁異位天成于外地定于內天體于陽故圓曰動地體于陰故平曰靜動曰行施靜曰合化堙鬱構精時育庶類斯謂天元蓋乃道之實也在天成象在地成形天有九位地有九域天有三辰地有三形有象可效有形可度情性萬殊旁通感薄自然相生莫之能紀于是人之精者作聖實始紀綱而經緯之崑崙東南有赤縣之州風雨有時寒暑有節苟非此土南則多暑北則多寒東則多風西則多陰故聖王不處焉中州含靈外制八輔八極之維徑二億三萬二千三百里南北則短減千里東西則廣增千里自地至天半于八極則地之深亦如之通而度之則是

渾也將覆其數用重差鉤股懸天之景薄地之儀皆移千里而差一寸得之過此而往者未之或知也未之或知者宇宙之謂也宇之表無極宙之端無窮天有兩儀曰儻道中其可觀樞星是也謂之北極在南者不著故聖人弗之名焉其世之遂九分而減二陽道左迴故天運左行有驗于物則人氣左羸形右繚也天曰陽迴地曰陰浮是故天致其動稟氣舒光地致其靜承候施明天曰順動不失其中則四時順至寒暑不忒致生有節故品物用生地曰靈靜作合承天清化致養四時而後育故品物用成凡至大者莫如天至厚者莫如地至質者曰地而已至多莫如水水精爲漢漢周于天而無列焉思次質也地有山嶽曰宣其氣精種爲星星也者體生于地精成于天列居錯峙各有道屬紫宮爲皇極之居六微爲五帝之庭明堂之房大角有席天市有坐蒼龍連蜷于左白虎猛據于右朱雀奮翼于前靈龜圈首于後黃神軒轅于中六攬

既畜而狼蜥魚鼈罔有不具在野象物在朝象官在人象事于是
備矣懸象著明莫大乎日月其徑當天周七百三十六分之一地
廣二百四十二分之一日者陽精之宗積而成鳥象鳥而有三趾
陽之類其數奇月者陰精之宗積而成獸象兔蛤焉陰之類其數
偶其後有焉焉者羿請不死之藥于西王母姮娥竊之已奔月將
往枚筮之于有黃有黃占之曰吉翩翩歸妹獨將西行逢天晦芒
毋驚毋恐後且大昌姮娥遂託身于月是爲蟾蜍夫日譬猶火月
譬猶水火則外光水則含景故天日宣明于晝納明于夜如有瑕
必露其匿人君者仰則焉夫月端其形而潔其質向日稟光月光
生于日之所照魄生于日之所蔽當日則光盈就日則光盡也眾
星被耀因水轉光當日之衝光常不合者蔽于地也是謂闇虛在
星則星微遇月則月食日之薄地暗其明也絲暗視明明無所屈
是曰望之若大方其中天天地同明絲明瞻暗暗還自奪故望之

若小火當夜而揚光在晝則不明也月之于夜與日同而差微星則不然強弱之差也五星五行之精眾星列布其已神著有五列焉是有三十五名一居中央謂之北斗動變定占實司王命四布于方各七爲二十八宿日月運行歷示吉凶五緯經次用告禍福則天心于是見矣中外之官常明者百有二十四可名者三百二十爲星二千五百而海人之占未存焉微星之數蓋萬一千五百二十庶物蠢蠢咸得繫命不然何已揔而理諸夫三光同形有侶珠玉神守精存麗其質而宣其明及其衰神歇精斲于是乎有隕星然則奔星之所墜至地則石矣凡文耀麗乎天其動者七日月五星是也周旋右迴天道者貴順也近天則遲遠天則速行則屈屈則畱回畱回則逆逆則遲迫于天也行遲者覲于東覲于東者屬陽行速者覲于西覲于西者屬陰日與月共配合也攝提熒惑地候見晨附于日也太白晨星見昏附于月也二陰三陽參天兩

地故男女取則焉方星巡鎮必因常度苟或盈縮不逾于次故有
列司作使曰老子四星周伯王逢絜芮各一錯乎五緯之間其見
無期其行無度實妖經星之所審而察之然後吉凶宣周其詳可
盡續漢天文志上注開元占經一又五又六十四左傳序正義又
桓三年正義史記天官書正義隋書天文志上北堂書鈔一百
四十九又一百五十一又一百五十六又一百五十七又八百六十九廣韻
記八御覽一又二又四又七又一百五十七又八百六十九廣韻
四鹽

渾天儀

渾天如雞子天體圓如彈丸地如雞中黃孤居于內天大而地小
天表裏有水天之包地猶殼之裏黃天地各乘氣而立載水而浮
周天三百六十五度四分度之一又中分之則一百八十二度八
分之五覆地上一百八十二度八分之五繞地下案御覽引作日月星辰繞地下
故二十八宿半見半隱其兩端謂之南北極北極乃天之中也在
正北出地上三十六度然則北極上規經七十二度常見不隱南

極天之中也在正南入地三十六度南極下規七十二度常伏不

見兩極相去一百八十二度半強天轉如車轂之運也周旋無端

其形渾渾故曰渾天也

北堂書鈔一百四十九初學記一藝文類聚一開元占經一御覽二事類賦注一

案開元占經作渾儀注

赤道橫帶天之腹去南北二極各九十一度十九分

度之五

案後漢志注引作十分之五

橫帶者東西圍天之中腰也然則北極小

規去赤道五十五度半南極小規亦去赤道出地入地之數是故

各九十一度半強也

續漢律厤志注補開元占經一賦注一

案開元占經引橫帶者已下俱作

文黃道斜帶其腹出赤道表裏各二十四度日之所行也日與五

行黃道无虧盈月行九道春行東方青道二夏行南方赤道二秋

行西方白道二冬行北方黑道二四季還行黃道故月行有虧盈

東西隨八節也日最短經黃道南在赤道外二十四度是其表也

日最長經黃道北在赤道内二十四度是其裏也

續漢律厤志注補開元占經一

御覽二事類賦注一

案日與五行已下開元占經作注文

故夏至去極六十七度而強冬至

去極百一十五度亦强也冬至日行南至斗二十一度則去極一

百一十五度少强是故日最短夜最長景極長日出辰日入申晝

行地上一百四十六度少强夜行地下二百一十九度少强夏至

日在井二十五度去極六十七度少强是故日最長夜最短景極

短日出寅日入戌晝行地上二百一十九度少强夜行地下一百

四十六度少强續漢律厯志注補開元占經一御覽二事類賦然

則黃道斜截赤道者即春秋分之去極也案後漢志注補即春秋

斜截赤道者東西交也然則春分日在奎十四度少强西交于奎

也秋分日在角五度弱東交于角也此黃赤道二之交中去極俱

九十一度少强故景居二至長短之中奎十四角五出卯入酉日

晝行地上夜行地下俱一百八十二度半强故晝夜同也續漢律

補開元占經一御覽二案斜截今此春分去極九十一度少强

赤道者已下開元占經作注文秋分去極九十一度少强者就夏厯暑景之法案續漢志注御覽

大五百四十七
小二百一十五

作就夏曆晷景去極之法

巳爲率也上頭橫行第一行者黃道進退之數也本

當巳銅儀日月度之則可知也巳儀一歲乃竟

案北堂書鈔一百五十一引常巳銅儀

度之則日晷可知也巳儀一歲乃竟

而中間又有陰雨難率成也是巳作小渾盡赤

道黃道乃調賦三百六十五度四分之一從冬至所在始起令之

相當直也取北極及衝

案續漢志注作衡

各鍼穿之爲軸取薄竹篋穿其

兩端令兩穿中間與渾半等巳貫之令察之與渾相切摩也乃從

鍼半起巳爲百八十二度八分之五盡衝鍼之半焉又中分其鍼

篋拘去其半令其半之際正直與兩端鍼半相直令篋半之際從

冬至起一度一移之視篋之半際少多赤道幾何也

案續漢志注赤上有黃字

其所多少則進退之數也從北極數之則去極之度也各分赤道

黃道爲二十四氣一氣相去十五度十六分之七每一氣者黃道

進退一度焉所巳然者黃道直時去南北極近其處地小而橫行

與赤道且等故巳篋度之于赤道多也設一氣令十六日者皆常